

Na osnovu člana 18. tačka b. Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04 i 6/13) i člana 181. Zakona o radu ("Službene novine Federacije Bosne i Hercegovine", broj 26/16), Skupština Kantona Sarajevo, na sjednici održanoj _____2016. godine, donijela je

RADNI MATERIJAL

ZAKON O RADU U KANTONU SARAJEVO

DIO PRVI- OSNOVNE ODREDBE

Član 1. (Predmet zakona)

Ovim zakonom se uređuju pitanja od značaja za rad i ostvarivanje prava po osnovu rada u Kantonu Sarajevo, za koja je Zakonom o radu "Službene novine Federacije BiH", broj 26/16, (u daljem tekstu: Federalni zakon), utvrđena mogućnost uređivanja kantonalnim propisom i to:

- a) polaganje stručnog ispita pripravnika;
- b) pravo na odsustvo sa rada uz naknadu plaće u slučajevima koji nisu regulisani Federalnim zakonom;
- c) formiranje mirovnog vijeća, sastav i način rada kao i druga pitanja koja se odnose na rad mirovnog vijeća;
- d) nadzor nad primjenom zakona i druga pitanja od značaja za primjenu ovog zakona.

Član 2. (Pojmovi i definicije)

Pojmovi i definicije korišteni u ovom zakonu imaju isto značenje kao i pojmovi i definicije korišteni u Federalnom zakonu.

Član 3. (Gramatička terminologija)

Gramatička terminologija korištenja muškog i ženskog roda u ovom zakonu podrazumijeva oba roda.

DIO DRUGI- PRIPRAVNICI

Član 4. (Polaganje stručnog ispita pripravnika)

(1) Nakon završenog pripravničkog staža poslodavac je dužan omogućiti pripravniku polaganje stručnog ispita.

(2) Stručni ispit se polaže pred komisijom koju formira poslodavac, a ispitna komisija se sastoji od tri člana koji moraju imati isti ili viši stepen stručne spreme koju ima pripravnik, a najmanje jedan član komisije mora biti iste struke kao i pripravnik.

(3) Pripravniku koji položi stručni ispit ispitna komisija izdaje uvjerenje, odnosno potvrdu o položenom stručnom ispitu.

(4) Pripravniku koji ne položi stručni ispit poslodavac je obavezan u roku od jednog mjeseca omogućiti ponovo polaganje stručnog ispita bez obaveze obnavljanja ugovora o radu sa pripravnikom.

Član 5.

(Polaganje stručnog ispita lica angažovanih bez zasnivanja radnog odnosa)

Lica primljena kod poslodavca na stručno osposobljavanje bez zasnivanja radnog odnosa imaju pravo na polaganje stručnog ispita pod istim uslovima kao i pripravnici.

DIO TREĆI- PLAĆENO ODSUSTVO

Član 6.

(Pravo na plaćeno odsustvo)

(1) Radnik ima pravo na odsustvo sa rada uz naknadu plaće i pored slučajeva propisanih Federalnim zakonom u toku jedne kalendarske godine u slučaju :

- a) smrti roditelja, bračnog odnosno vanbračnog partnera
- b) sklapanje braka djeteta
- c) selidbe.

(2) Radnik ima pravo na plaćeno odsustvo sa rada u slučaju smrti člana uže porodice, bez obzira da li je iskoristio pravo iz stavova (1) ovog člana.

Član 7.

(Dužina plaćenog odsustva)

Dužina plaćenog odsustva po osnovu člana 6. ovog zakona utvrđuje poslodavac, pravilnikom o radu i ugovorom o radu sa kolektivnim ugovorom.

DIO ČETVRTI- MIROVNO VIJEĆE

Član 8.

(Imenovanje mirovnog vijeća)

(1) U cilju rješavanja kolektivnih radnih sporova o zaključivanju, primjeni, izmjeni ili dopuni odnosno otkazivanju kolektivnog ugovora ili drugog sličnog spora vezanog za kolektivni ugovor, ako strane nisu dogovorile način mirnog rješavanja spora, imenuje se mirovno vijeće.

(2) Mirovno vijeće se imenuje ad hoc, za svaki pojedinačan slučaj kolektivnog radnog spora

o zaključivanju, primjeni, izmjeni ili dopuni odnosno otkazivanju kolektivnog ugovora ili drugog sličnog spora vezanog za kolektivni ugovor.

Član 9. (Sastav mirovnog vijeća)

(1) Mirovno vijeće za područje Kantona Sarajevo, sastoji se od tri člana i to: jednog predstavnika poslodavca, jednog predstavnika sindikata i jednog neovisnog predstavnika kojeg dogovorno izaberu strane u sporu sa liste koju na period od četiri godine utvrđuje ministar za rad, socijalnu politiku, raseljena lica i izbjeglice Kantona Sarajevo (u daljem tekstu: ministar).

(2) Strane u sporu, dužne su da u roku od 24 sata od nastanka spora o zaključivanju, primjeni, izmjeni ili dopuni odnosno otkazivanju kolektivnog ugovora ili drugog sličnog spora vezanog za kolektivni ugovor, daju prijedlog svog člana mirovnog vijeća i dogovore se o izboru trećeg člana.

(3) Način na koji se imenuju neovisni predstavnici i koja lica mogu biti imenovana na listu iz stava (1) ovog člana, bit će propisan pravilnikom koji donosi ministar.

Član 10. (Način rada mirovnog vijeća)

(1) Mirovno vijeće donosi pravila o postupku pred tim vijećem.

(2) Administrativne poslove za mirovno vijeće vrši Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo).

(3) Troškove za člana mirovnog vijeća, odnosno predstavnika sa liste iz stava (1) ovog člana, snosi Ministarstvo.

Član 10. (Dejstvo prijedloga mirovnog vijeća)

(1) Strane u sporu mogu prihvatiti ili odbiti prijedlog mirovnog vijeća, a ako ga prihvate, prijedlog ima pravnu snagu i dejstvo kolektivnog ugovora.

(2) O ishodu i rezultatima mirenja strane u sporu obavještavaju Ministarstvo u roku od tri dana od dana završetka mirenja.

DIO PETI- NADZOR

Član 11. (Organ koji vrši nadzor)

Nadzor nad primjenom ovog zakona i donesenih propisa na osnovu istog vrši kantonalni inspektor rada.

Član 12. (Upute poslodavcima i radnicima)

Pored poslova inspekcijuskog nadzora, inspektor rada je dužan da daje upute poslodavcima i radnicima o najefikasnijem načinu primjene zakonskih propisa.

DIO ŠESTI- KAZNE NE ODREDBE

Član 13.

(1) Novčanom kaznom od 1.000,00 KM do 3.000 KM, a u ponovljenom prekršaju

novčanom kaznom od 5.000,00 KM do 10.000,00 kaznit će se poslodavac-pravno lice ako:

- a) radniku ne omogući korištenje plaćenog odsustva prema članu 6. ovog zakona;
- b) onemogući ili pokuša onemogućiti kantonalnog inspektora rada u provođenju nadzora (član 11.).

(2) Za prekršaj iz stava (1) ovog člana kaznit će se i odgovorno lice novčanom kaznom od 500,00 KM do 1.000,00 KM.

(3) Za prekršaj iz stava (1) ovog člana kaznit će se poslodavac- fizičko lice novčanom kaznom od 1.000,00 do 3.000,00 KM.

Član 14.

Ako prekršaj iz člana 13. ovog zakona učinjen prema maloljetnom radniku najniži i najviši iznos novčane kazne se uvećava dvostruko.

DIO SEDMI- PRELAZNE I ZAVRŠNE ODREDBE

Član 15. (Prestanak važenja)

Danom stupanja na snagu ovog zakona prestaje da važi Zakon o radu u Kantonu Sarajevo ("Službene novine Kantona Sarajevo", broj 19/00).

Član 13. (Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj:

Sarajevo 2017. godine

Predsjedateljica
Skupštine Kantona Sarajevo
Prof.dr. Ana Babić